

Հ Ա Շ Վ Ե Տ Վ ՈՒ Թ Յ ՈՒ Ն

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՐՄԱՎԻՐԻ ՄԱՐԶԻ ՄԵԾԱՍՈՐԻ
ԳՅՈՒՂԱԿԱՆ ՀԱՄԱՅՆՔԻ ՂԵԿԱՎԱՐԻ 2013 ԹՎԱԿԱՆԻ Ա.Ո.Ա.ՋԻՆ
ԿԻՍԱՄՅԱԿԻ ԸՆԹԱՑՔՈՒՄ ԿԱՏԱՐՎԱԾ ԱՇԽԱՏԱՆՔՆԵՐԻ ՎԵՐԱԲԵՐՅԱԼ

Համայնքի ղեկավարը ղեկավարվելով Հայաստանի Հանրապետության տեղական ինքնակառավարման մասին օրենքով և 2013 թվականի աշխատանքային ծրագրով:

Հաշվետու ժամանակաշրջանում համայնքի ղեկավարի կողմից իրականացվել է ինչպես օրենքով ամրագրված պարտադիր լիազորված, այնպես էլ պետության կողմից պատվիրակված լիազորություններ: Նշված լիազորությունների մի մասը համայնքի ղեկավարը իրականացնում է անձամբ, իսկ մյուս մասը համայնքի ավագանու հետ միասին: Մասնավորապես համայնքի ղեկավարը որպես գործադիր մարմնի ղեկավար մշակել և նախապատրաստել է անհատական, իրավական ակտեր բյուջեի վերաբերյալ, որոնք օրենքով սահմանված կարգով ներկայացվել են համայնքի ավագանու հաստատմանը:

Ընդհանուր առմամբ հաշվետվությամբ ընդգրկված ժամանակաշրջանում հրավիրվել են թվով 5 նիստեր, որտեղ քննարկվել են համայնքի Ավագանու նիստերի ժամանակացույցի հաստատման մասին, Մեծամորի գյուղապետարանի աշխատակազմի կանոնադրությունը հաստատելու մասին, ավտոմեքենայի գույքահարկի արտոնությունից օգտվելու մասին, անապահով ընտանիքներին սոց. օգնություն տրամադրելու մասին, բյուջեում փոփոխություն կատարելու մասին և մի շարք

այլ հարցեր, որոնց կապակցությամբ ընդունվել են համապատասխան որոշումներ, որոնք ներկայացվել են Հայաստանի Հանրապետության Արմավիրի մարզպետարան և ՀՀ Արդարադատության նախարարություն:

Հաշվետու ժամանակաշրջանում որպես պարտադիր լիազորություն կազմակերպվել է քաղաքացիների ընդունելություն, ընթացք տալով նրանց կողմից բարձրացված դիմում - բողոքներին, գրանցվել են թվով 15 դիմումներ. հերթական արձակուրդների վերաբերյալ, շինարարության թույլտվության վերաբերյալ, դրամական օգնություն տալու վերաբերյալ, ավտոմեքենայի գույքահարկի արտոնությունից օգտվելու վերաբերյալ, որոնց ժամանակին տրվել են համապատասխան լուծումներ:

Հաշվետու ժամանակաշրջանում համայնքի ղեկավարի կողմից ձեռնարկվել է բյուջետային գործընթաց, կատարվել է բյուջեի փոփոխություններ, և ներկայացվել է համայնքի ավագանու հաստատմանը:

	Եկամուտներ	2013թ տարեկան	փաստացի	կատարման %
1	հողի հարկ	2800,0	1231.5	44%
2	գույքահարկ	1950,0	1524.7	78.2%
3	վարձ. հողի հարկ	1500,0	391.5	26.1%
4	դոտացիա	15490.7	7745.4	50%
5	տեղական տուրք	200,0	-	-
	տեղական վճար	20,0	-	-
	Ընդամենը	21960.7	10893.1	49.6%

	Ծախսեր	2013թ. Պլան	Փաստացի	կատարման %
1	Տեղական ինքնակառավարում	6691.4	5926.7	88.6
2	Ընդհ. բնույթի համայնք. ծառ.	900.0	724.0	80.4
3	Կրթություն և գիտություն	1511.2	1471.2	97.4
4	Սոցիալական ապահովություն	500.0	500.0	100,0
5	Աղբահանում	720.0	720.0	100,0
6	Պահուստային ֆոնդ	407.8	--	-
7	Նախորդ տարիների պարտք	150.0	150.0	100
8	Ֆոնդային բյուջե	2526.6	--	--
	Ընդամենը	13149.2	9491.9	72.2

2013թվականի առաջին կիսամյակի ընթացքում բյուջեն կատարվել է 104 %-ով, իսկ սեփական եկամուտների մասով 115.4%-ով:

Համայնքի ղեկավարը հաշվետու ժամանակաշրջանում ընդունել է թվով 19 որոշումներ՝ ինքնակամ շինությունների փաստաթղթերի հաստատման մասին, հասցեավորու տալու մասին, ատեստավորում անցկացնելու մասին և 17 կարգադրություններ հերթական արձակուրդից օգտվելու մասին, համայնքային ծառայողների գործուղման մասին, համայնքային ծառայողների ատեստավորման մասին:

Համայնքի ղեկավարի կողմից իրականացվել են կամավոր լիազորություններ, որոնց միջոցով համայնքի ղեկավարը աջակցություն է ցուցաբերել քաղաքացիական պաշտպանության մարմինների

գործունեությանը: Ընդգրկվելով համապատասխան զորակոչային հանձնաժողովի կազմում, ինչպես նաև այլ ձևերով աջակցություն է ցուցաբերվել Էջմիածնի զին. կոմիսարիատին և մարզային զորակոչային հանձնաժողովին զորակոչի գորահավաքի և ուսումնավարժական հավաքների կազմակերպման հարցում: Թվով 9 հոգու ուղարկվել է համապատասխան զինվորական մաս: Տեղեկացվել է բացակայող զինակոչիկների մասին:

Որպես պատվիրակված լիազորություններ հաշվետու ժամանակաշրջանում համայնքի ղեկավարի կողմից համայնքում կազմակերպվել են 33 տոների և հիշատակի օրերի հետ կապված մի շարք միջոցառումներ:

Երիտասարդության հարցերը միշտ էլ ընդգրկված են եղել համայնքի ղեկավարի կողմից իրականացվող քաղաքական տիրույթում, որոնց տեղական ինքնակառավարման մարմինների մասնակցությունը արտահայտվում է համայնքի սոցիալ տնտեսական պայմանների բարձրացմանը:

Շրջանավարտներին գյուղապետարանի կողմից տրվել են նվերներ: Համայնքում գործում է բուժ. կետը, որտեղ սիստեմատիկ կերպով կակարվում են բժշկական միջոցառումներ: Մշակույթի և սպորտի բնագավառում գյուղում գործում է «Աստղիկներ» պարային համույթը: Տարբեր սպորտային խմբակներում ընդգրկված գյուղի պատանիներն ու երիտասարդները, մասնավորապես հունա - հռոմեական ոճի ըմբշամարտի գծով Հայաստանի և Եվրոպայի չեմպիոններ են:

Սոցիալական նշանակություն ունեցող խնդիրների շարքում առանձնա-

հատուկ կարևորություն են ունեցել սոց. օգնության տրամադրման հարցերը, որոնցում տրամադրվել է 1050,0 հազար դրամ դրամական օգնություն:

Գյուղատնտեսության բնագավառում գյուղապետարանը աջակցում է հացահատիկի բերքահավաքի բնականոն աշխատանքներին, որն ուղղակիորեն անդրադառնում է համայնքի սոցիալ - տնտեսական վիճակի և դրա զարգացման վրա: Պ ետության ֆինանսավորմամբ կազմակերպվել է համայնքի տարածքում անասնաբուժական միջոցառումներ կենդանիների հիվանդությունների կանխարգելման և ագրարային այլ կանոնների աշխատանքներ, կատարվել է աղբահանություն:

Գյուղապետը և ավագանին առանձնակի ուշադրություն են դարձնում գյուղի սանիտարական մաքրության պահպանման, ջրաղբյուրների նախատեսված գոտիների մաքրության պահպանման ուղղությամբ:

Գյուղապետարանի միջոցով իրականացվում է ազգաբնակչության կենցաղային աղբի հավաքումը և հեռացումը: Պայմանագրային սկզբունքով շաբաթը մեկ անգամ աղբատար մեքենան շրջում է համայնքի փողոցներով և հավաքում ու տեղափոխում է աղբը Շահումյան համայնքի աղբավայրում:

Համայնքի գեր խնդիրներ են հանդիսանում գազաֆիկացումը, մանկապարտեզի վերանորոգման հարցը:

Համայնքի ղեկավար՝



Է. Միրզոյան